


中华古典文学丛书



水经

责任编辑：陈国勇

(20)



广州出版社

1211
84

中华古典文学丛书

水 经

(20)

广州出版社

图书在版编目(CIP)数据

中华古典文学/丛书. 陈国勇 主编. 广州出版社. 2004. 12

ISBN 7-5363-3732-9/Z·419

I. 中华... II. 古... III. 文学

中国版本图书馆 CIP 数据核字(2004)第 082275 号

中华古典文学丛书

主 编:陈国勇

广州出版社

广州凯统印刷厂

开本:787×1092 1/32 印张:416.5

版次:2004年12月第1版1次印刷

印数:1-3000 套

书号 ISBN 7-5363-3732-9/Z·419

定价:(全套98本)999.00元

目 录

水经	
水经卷上	(1)
河水	(1)
漯水	(6)
汾水	(8)
浍水	(8)
涑水	(8)
文水	(9)
原公水	(9)
洞涡水	(9)
晋水	(9)
湛水	(10)
济水	(10)
清水	(11)
汜水	(12)
淇水	(12)
荡水	(12)
洹水	(13)
浊漳水	(13)
清漳水	(13)
易水	(14)

圣水	(14)
巨马水	(14)
湿水	(15)
湿余水	(15)
洁水	(15)
鲍丘水	(15)
濡水	(16)
大辽水	(16)
小辽水	(16)
洛水	(16)
伊水	(17)
涧水	(17)
谷水	(18)
甘水	(18)
漆水	(18)
沮水	(18)
渭水	(19)
漾水	(19)
丹水	(20)
汝水	(20)
水经卷下	(20)
颍水	(20)
洧水	(21)
阴沟水	(21)
睢水	(22)
瓠子水	(22)

汶水	(22)
泗水	(23)
沂水	(23)
洙水	(23)
沭水	(24)
巨洋水	(24)
淄水	(24)
汶水	(24)
潍水	(25)
胶水	(25)
沔水	(25)
潜水	(27)
湍水	(27)
均水	(28)
粉水	(28)
白水	(28)
淮水	(28)
模水	(30)
蕲水	(31)
决水	(31)
泚水	(31)
泄水	(31)
肥水	(32)
施水	(32)
沮水	(32)
漳水	(32)

夏水	(33)
羌水	(33)
涪水	(33)
梓潼水	(33)
涪水	(34)
江水	(34)
青衣水	(37)
桓水	(37)
若水	(37)
沫水	(37)
延江水	(38)
沅酉水	(38)
存水	(38)
温水	(38)
淹水	(39)
叶榆水	(39)
夷水	(39)
油水	(39)
泮水	(40)
沅水	(40)
资水	(40)
涟水	(41)
湘水	(41)
漓水	(41)
溱水	(42)
汇水	(42)

深水	(42)
钟水	(42)
耒水	(43)
漉水	(43)
浏水	(43)
赣水	(44)
庐水	(44)
浙江水	(44)
斤江水	(44)
山泽	(45)
今水经	
今水经序	(48)
今水经表	(49)
今水经	(54)
北水	(54)
南水	(66)
今水经跋	(90)
准备缓急	(93)
海道	(93)
占天门	(98)
占云门	(99)
占风门	(100)
占日门	(101)
占虹门	(102)
占雾门	(102)
占电门	(102)

占海门	(103)
占潮门	(103)
北海地方	(104)

水 经

汉·桑 钦撰

水 经 卷 上

河 水

昆仑墟在西北，去嵩高五万里，地之中也。其高万千里。河水出其东北陬，屈从其东南流入于渤海。出海外，南至积石山，下有石门，河水冒以西南流。水又南入葱岭山。河水又西径罽宾国北。河水又径月氏国南。又西径安息南。河水与蜺罗跂耨水注雷翥海。又西径四大塔北。又西径陀卫国北。河又东，径皮山国北，其源出于阗国南山，北流与葱岭河合，东注蒲昌海。河水又东，与于阗河合。又西北流，注于河。南河又东，径于阗北。南河又东北，径扞弥国北，南河又东，径且末国北。北河又东北流，分为二水，枝流出焉。北河自疏勒径流南河之北。北河又东，径莎车国南。北河之东南，径温宿国。北河又东，径姑墨国南。河水又东，径注宾城南。又东，径楼兰城南，而东注。河水又东注于泐泽。又东入塞，过敦煌、酒泉、张掖郡南。河水又自东河曲，径西海郡南。河水又东，径允川，而历大榆、小榆谷北。又东，过陇西河关县北，洮水从东南来流注之。河水又东北流，入

西卑郡界，左合二川，南流入河。又东北，济川水注之。河水东，又径浇河故城北。河水又东北，径黄川城。河水又东，径石城南，左合北谷水。河水又东北，径黄河城南。河水以东北，径广、违城北，又合鸟头川水。河水又东，径邯川城南。河水又东，临津溪水注之。河水又东，径临津城北，白土城南。河水又东，左会白土川水。河水又东北，会两川，右合二水。河水又东，得野亭南。河水又东，历凤林北。河水又东，与漓水合。河水又径左南城南。大河又东，径赤岸北。河水又东，洮水注之。又东，过金城允吾县北。河水又东，径石城南。又东，过榆中县北。又东，过天水北界。又北，过武威媪围县东北。又东北，过天水勇士县北。又东北，过安定北界麦田山。河水东北流，径安定祖厉县故城西北。河水又东北，径麦田城西。又北，与麦田泉水合。河水又东北，径麦田山西。河水又东北，径于黑城北。又东北，高平川水注之。河水又东北，径朐卷县故城西。河水又北，过北地富平县西。河水又北，径富平县故城西。河水又北，薄骨律镇城。河水又径典农城东。河水又北，径典农城东。河水又东北，径廉县故城东。河水又与北枝津。河水又东北，径浑怀鄯西。河水又东北，历石崖山西。又北，过朔方临戎县西。河水又北，径临戎县故城西。河水又北，有枝渠东出，谓之铜口，东径沃野城南。河水又北，屈而为南河出焉。河水又北迤西，溢于窳浑县故城东。河水又屈而东流，为北河，东径高阙南。河水自临河县东径阳山南。河水又南，径马阴山西。河水又东南，径朔方县故城东北。河水自朔方东转，径渠搜县故城北。河水又东，径成宜县故城南。河水又东，径原亭城南。河水又东，径宜梁县之故城南。河水又东，径

穉阳城南。又东，过临沃县南。河水又东，枝津出焉。河水又东流，石门水南注之。河水又东，径穉阳县故城南。河水又东，径塞泉城南而东注。又东，过云中栎陵县南。又东，过沙南县北、从县东，屈南过沙陵县西。河水屈而流，白渠水注之。河水南，入栎陵县西北。又南，过赤城东。又南，过定襄桐过县西。河水于二县之间，济有君子之名。河水又东南，左合一水。河水又南，树颍水注之。河水又南，太罗水注之。河水又左得蒲水口。又南，过西河圉（音银）阳县东。河水又东，端水入焉。河水又南，诸次之水入焉。河水之南，汤水注之。又南，离石县西，奢延水注之。河水又南，陵水注之。河水又南，得离石水口。又南，过中阳县西。又南，过土军县西。河水又南，合契水。河水又南，得大蛇水。河水又南，又纳辱水。又南，过上郡高奴县东。河水又南，蒲川石楼山。南，径蒲城东。河水又南，过河东，北屈县西。河水又南，得鲤鱼。河水又南，羊求水入焉。河水又南，为采桑津。又南，过皮氏县西。河水又南，合蒲水。河水又南，径丹水西南。河水又南，黑水注之。河水之南，至崞谷傍。河水又南，洛水自猎山枝分东脉，东南注于河。又南，出龙门口，汾水从东来注之。河水又南，右合畅谷水。河水又南，径梁山原东。河水又南，崞谷水注之。河水又南，右合陶渠水。河水又西，徐水注之。河水又南，径子夏石室。又南，过汾阴县西。河水又径郃阳城东。河水又南，径陶城西。又南，过蒲坂县西。河水又南，径雷首山西。又南，涑水注之。又南，至华阴潼关，渭水从西来注之。河水历船司空，与渭水会。河水又东北，玉涧水注之。河水又东，径阌乡侯河。东与全鸠涧水合。又东，过河北县南。河水又东，永乐涧水

注之。河水自河北城南，东径芮城。河水又会槃涧。河水又东，径湖县故城北。河水又东，合柏谷水。河水又东，右合门水。又东，过陕县北。又西，径陕县故城南。又东，过大阳县南。河水又东，径大阳县故城南。河水又东，沙涧水注之。又东，过砥柱间。河之右，则崤水注之。河水又东，千崤之水注焉。又东，过平阴县北。又东，至邓，清水从西北来注之。河水又东，与敦水合。河水又与畛水合。河水又东，合庸庸之水。河水又东，径平阴县北。河水西会漾水（一作右会）。河水又东，过平阴县北，湛水从北来注之。河水又东，径河阳县故城南。河水又径临平亭北。河水又东，径洛阳县北。河水又东，径平县故城北。河水又东，泃水入焉。又东，沛水注焉。又东，过巩县北，洛水从县西北流注之。又东，过成皋县北，济水从北来注之。河水又径黄马坂北。河水又东，径旋门坂北。河水东，径成皋大伾山下。河水南，对玉门。河水又东，合汜水。河水又东，径板城北。河水又东，径五龙坞北。又东，过荥阳县，菑荡渠出焉。河水又东北，径卷之扈亭北。河水又东，径八激堤北。河水又东，径卷县北。河水又东北，径赤岸固北，而东北注之。又东北，过武德县东，沁水从之。东，至酸枣县西，濮水东出焉。河水又东北，通谓之延津。河水又径东，燕县故城北，则有济水自北来注之。河水又东，淇水入焉。又东，径遮害亭南。河水又东，右径滑台城。又东北，过黎阳县南。河水自津东北，径凉城县。河水又东北，径伍子胥庙南。河水又东北，为长寿津。故渚东北，径戚城西。故渚又径繁阳县故城东。北，径阴安县故城西。故渚又东北，径昌乐县故城东。故渚又东北，径平邑郭西。又东北，径元城县故城西。北，而至

沙丘堰。至于丈陆北，播于九河。河之故渚，自沙丘堰南分，屯氏河出焉。河水故渚东北，径发干县北城西，又屈径其北。大河故渚又东，径贝丘县故城南。大河故渚又东，径甘陵县故城南。大河故渚又东，径平原县故城西，而北绝屯氏三渚。北，径绎幕县故城东北，西流径平原鬲县故城西。大河故渚又北，径修县故城东。又北，径安陵县西。固河故渚北出，为屯氏河，径馆陶县东，东北出。左渚又北，径经城东繚城西，又径南宫县西北，注绛渚。右渚又东北，径广宗县故城南。又东北，径界城亭北。又东北，径长乐郡武强县故城东。又东北，径广川县，与水故道合。又东北，径广川县故城西。又东，径棘津亭南。张甲故渚又东北，至修县东会清河。屯氏别河东，枝津出焉。东，径信成城南。又东，径清阳县故城南，清河郡北。又东北径陵乡南。又东北，径东武城县故城南，又东北，径东阳县故城南。屯氏别渚又东北，径清河郡南。又东北，径清河故城西。屯氏别河北渚东，径绎幕县故城南。东，邑大河故渚。又东北，径平原县枝津北出，至安陵县遂绝。屯氏别河北渚又东北，径重平县故城南。屯氏别河北渚又东，入阳信县，今无水。又东，为咸河。东北流，径阳信县故城北。屯氏别河南渚自平原东，绝大河故渚，又径平原县故城北。东北，枝津又出。东北，至安德县界东，会商河。屯氏别河南渚又东北，于平原界，又有枝渠右出，至安德县遂绝。屯氏别河南渚，自平原城北首，受大河故渚东出，亦通谓之笃马河。东北，径安德县故城西。又东北，径临齐城南。始又屈径其城东故渚，广西四十步。又东北，径重丘县故城西。又东北，径西平昌县故城北。又径般县故城北。东，径乐陵县故城北。又东北，径阳信县故城南，东

北入海。屯氏河故渚自别河东，径甘陵之信乡县故城南。屯氏故渚又东，径甘陵县故城北，径灵县北。又东北径鄆县，与鸣犊河故渚合，上承大河故渚于灵县南。东北，径灵县东，东入鄆县，而北合屯氏渚。又东北，右过卫国县南。又东北，过濮阳县北，瓠子河出焉。河水东，径铁丘南。河水东北流，而径濮阳县北，为濮阳津。河水又东北，径卫国县南。东，为郭口津。河水又东，径鄆城县北（一作国名）。河水又东北，径范县之秦亭西。河水又东北，径委粟津，左会浮水故渚。故渚东，绝大河。故渚东，径五鹿之野。浮水故渚又东南，径国邑。又东，径卫国县故城南古斟观。浮水故渚又东，径河牧城而东北出。又东北，入东武阳县，东入河，又有漯水出焉。河水又东，径武阳县东，范县西，而东北流也。又东北，过东阿县北。河水于范县东北流，为仓亭津。河水又历柯泽，径东阿且故城西而东北出，流注。又东北，过茌平县西。河自邓里渠东北，径昌乡亭北，径碣磬城西。河水又与邓里渠水，上承大河于东阿县西。东，径东阿县故城北。又东北，径临邑县，与将渠合。又北，径茌平县东，临邑县故城西，北流入于河。河水又东北流，径四渚津。又东北，过高唐县界。

漯 水

漯水又东北，径清河县故城北。漯水又东北，径文乡城东南。又东北，径博平县，右与黄沟同注川泽。又东，径文乡城。又东南，径王城北。黄沟又东北，径左与漯水隐覆，

势镇河陆。东出于高唐县，大河右迤，东注漯水矣。漯水又东北，径援县故城西。漯水又径高唐县故城东。漯水又东北，径漯阴县故城北。漯水又东北，径著县故城南。又东北，径崔氏城北。漯水东南，径东朝阳县故城南。漯水又东，径汉征君伏生墓南。漯水又东，径邹平县故城北。又东北，径界东邹城北。漯水又东北，径建信县故城北。漯水又东北，径千乘县二城间。又东北，为马常坑。又东北，过杨墟县东，商河出焉。商河又北，径平原县东，又径安德县故城南。又东北，径昌平县故城南。又东，径般县故城县。又东，径乐陵县故城南。商河又东，径初乡县故城南，沙沟水注之。商河又东北流，径马岭城西北，而流屈而东注，南转径城东。商河又东北，径富平县故城北。商河又分为二水，南水谓之长聚沟，北水世又谓之白薄渚。大河又东北，径高唐县故城西。大河又北，径张公城临侧河湄。河水又北，径平原故城东。大河右溢，世谓之甘枣沟。故渚又东北，历长堤径温阴县北，河水又东北，径阳阿县故城西。又东北，过漯阳县北。河水自平原，左径安德城东，而北为鹿角津，东北径般县乐陵初乡，厌次县故南厌次河。河水又径漯阳县故城北（一作右径）。河水又东北，为漯沃津。河水又东，径千乘城北。又东北，过黎城县北。又东北，过甲下邑，济水从西来注之，又东北，入于海。河水又东，分为二水，枝津东径甲下城南，东南历常沈注济。

汾 水

汾水出太原汾阳县北管涔山。东南，过晋阳县东，晋水从县东南流注之。又南，洞涡水从东来注之。又南，过大陵县东。又南，过平陶县东，文水从西来流注之。又南，过寇爵津（一作冠）。又南，入河东界。又南，过永安县西。又南，过杨县东。西南，过高梁邑西。又南，过平阳县东。又南，过临汾县东。又屈从县南西流。又西，过长修县南。又西，过皮氏县南。又西，至汾阴县北，西注于河。

浍 水

浍水出河东绛县东浍交东高山。西，过其县南。又西南，过燬祁宫南。又西，至王桥，注于汾水。

涑 水

涑水出河东闻喜县东山黍葭谷。又西，过周阳邑南。又西南，过其县南。又西南，过安邑县西。又南，过解县东。又西南，注于张阳池。